

City Inspector:

Tereno publico no ta un bari sushi

ORANJESTAD - Segun City Inspector nan a wordo yama diferente biaha na e sitio dilanti di Imelda Kleuterschool na un tereno habri. Na yegada a constata diferente mata etc. y hasta adicto ambulante cu tabata drumi den e area y molestia e habitantenan. City Inspector Leo Gomes presente na e sitio den De La Salle Straat ta splica.

“Hopi sushi tabata di diferente compania den bisindario cual ta duna indicacion cu nan ta tira sushi na e area. No ta prome biaha cu a haci e espacio limpi y aworaki a bolbe haci esey limpi.” Segun Sr. Gomes, no por hiba awa na lama constantemente. Pueblo di Aruba y comerciante mester cuminsa aporta y duna un man tambe den mantencion di espacio bashi limpi. Pasobra ta keda haci limpi y a lo largo hende mes ta gusta esaki y ta bolbe susha como tin departamentonan



cu ta haci limpi despues. Esaki no por.” El a agrega bisando cu mester tin espacio pa City Inspector traha na tur espacio rond di Aruba y hende mester siña mantene Aruba limpi.

Evita sancion

Aworaki a laga rosa henter e espacio cu ayudo di DOW y Serlimar pa evita cu tin caminda cu sushi por wordo scondi

den dje, e ta haci esey mas dificil, segun Sr. Gomes. E yamada ta keda pa hende tene patras di banco di Caribe y otro areanan similar limpi pa evita risico cu City Inspector lo mester cuminsa cana caminda pa personanan haya sancion.

A puntra Sr. Gomes den caso cu tin hende cu kier pa accion wordo tuma pa casonan cu tin terenonan publico cu ta wordo uza pa tira sushi ken nan por yama. Por yama DOW, Serlimar of City Inspector cu por sinta y papia cu e ciudadano y comparti esaki cu e departamentonan pa hinca e pasonan den otro. E ta asina cu tin caminda cu por pidi ayudo entre otro pa diferente molester, sinembargo ta importante pa mantencion limpi tambe despues di un limpieza. Finalizando sr. Gomes a bisa cu e departamento ta hopi chikito (4 persona) cual mester tene cuenta cun’e pa por haci mas limpieza. □